



Шорно эл, порымлык да гым берр!

46-шо (3278) №,
2016 ий 12 ноябрь,
шуматкече.

ЯМДЕЛИЙ

1933 ий 1 февраль годсек лектеш.

0+


«Марий Театр Эл» Пагаден ўжына!



12 ноябрь гыч 5 декабрь марте Марий Элыште икымше гана

«МАРИЙ ТЕАТР ЭЛ» тўнямбал фестиваль эрта.

Тудым Россия Федераций культур министрствын полшымыж дене Марий Эл Республикын правительстве эртарат. Тиде жапыштак Юл кундемсе музыкальный театр-влак научно-практический конференцияш чумыргат.



20-30
ноябрь – Руш
театр-влакын
«Мост Дружбы»
XIII тўнямбал
фестивальышт.

Г.Константинов
лўмеш
Руш академический
драме театр

Тиде фестивальыш
Сербий, Казахстан,
Татарстан, Чуваший, Коми,
Башкортостан, Адыгей рес-
публикыла, тыгак Москва
гыч театр-влак толыт.

Академический Руш
драмтеатр (Марий
Эл) жюрилан
А.Крупняковын
романже почеш
шындыме «Марш
Акпарса» драмым
аклаш луктеш.



Э.Сапаев лўмеш
Марий кугыжаныш
опер да балет театр

Шке пашажым вич:
Чуваший, Удмурт,
Мордовий республикыла
гыч, Угарман опер да
балет – театр ончыкта.
Марий Элысе Э.Сапаев
лўмеш опер да балет театр

1-5
декабрь –
«Зимние вечера»
опер да балет
искусство
фестиваль.

Ф.Легарын
«Граф Люк-
сембург» опе-
реттыжым
калык ончыко
луктеш.



12-19
ноябрь –
Финн-угор театр-
влакын «Майатул»
XI тўнямбал фес-
тивальышт.

М.Шкетан лўмеш
Марий националь-
ный драме театр

Тыгай фестиваль кок
ийлан ик гана эртаралтеш.
Тений Карелий, Коми, Мордовий,
Удмурт республикыла, Хант-Манси авто-
ном округ да Финляндий гыч – чылаже
13 театр ушна. Курыкмарий драм-
театр тиде фестивальыште
«Дело святое» трагикомедийым
ончыкта, М.Шкетан лўмеш
Марий национальный драме
театр зритель-влаклан
Ф.Шиллерын «Осал чоялык
да йоратымаш» трагедийжым
темла. Марий Элысе йоча да
самырык-влаклан театр-
рўдер З.Долгован
«Немыч вате» комедий-
же дене куандара.

Лоте-
рей
модымыш
ушно!
Тўн приз –
ПЛАНШЕТ!





Корнышто тўткө лий!

Лицейыштына тунемше-влакын светоотражательышт уло. Шукынжо портфельыш пижыктеныт. Пычкемыш годым светоотражатель волгалтеш, водительлан сигнал семын лиеш. **Йоча-влак, светоотражатель деч посна ида кошт. Корнышто тудо моткоч күлешан!**

Юлия АНИСИМОВА.

Морко, Коркато.


20 ноябрьште Российште кокымшо гана Географический диктант лиеш. Марий Элыште индеш вере: Марий Турек, Юрино посёлкыласе, Виловат (Курьмарий), Кужмарий (Звенигово), 1-ше №-ан Морко, 1-ше №-ан Шернур, 6-шо №-ан Волжск школлаште, Юлтех университетеште (Йошкар-Ола), «Дарование» школ-интернатыште (Козьмодемьянск) – возаш тўналыт.



Сенымаш!

«Марий Элын сулло энергетикше Виктор Андреевич Наумов дене пырля эрта-рыме викторине» проектна МедиаТЭК кокымшо Всероссийский конкурсын региональный этапыштыже сеген. Марий Эл Республикысе экономике да торговльо министр Ф.Ф.Ханфеев тўн редактор Л.В.Семеновалан 9 ноябрьште грамотым кучыктен.

Редакцийнан сўретчыже Фаина Николаевна Лебедева Чебоксарыште эртаралтше «Керамическая фантазия» выставке-конкурсыш миен. Шун гыч ыштыме «Марий сўан» композицийже (шўвырзё, тўмырзё, гармоньчо, сўанвате-влак) I степеня диплом дене палемдалтын.



Йошкар-Оласе 61-ше номеран йочасадыште Марий Элын шочмо кечыже лўмеш пайрем эртен. Ёдыр-рвезе-влак марла, рушла, татарла мурен-куштеныт. Воспитатель Лариса Леонидовна Кудрявцева чылаштым марла чын ойлаш тунукта. Республикын кечыжлан пўлеклалтше пайремым Тая Глушкова ден Степан Пиркин вўденят. **Марина ГЛУШКОВА.**

Ч о я - б р ы ш т е й й и т ё в и й ы л н а л е ш .

Тўвыра пайрем

17 октябрь-10 ноябрьште Йошкар-Олаште самырык-влакын фестиваль эртен. Тушто республикыште илыше тўрлў калык шке тўвыражым, йўлажым ончыктен. Студент ден тунемше-влак квест-модышыш, «Айста марла кушталтена» флешмобыш, «Этно-ола» интерактивный модмашыш ушненыт. Фестиваль кугу концерт дене мучашлалтын. **Н.СЕМЕНОВА.**



Вуверкувам поремденят

Йочасадыштына Марий Элын шочмо кечыжым пайремлышна. Йоча-влак марий мурым мурыныт. Трук Вуверкува толын да чылаштым лўдыктен. «Шонанпыл» ансамбль тудлан куштымашым, «Пеледыш» ансамбль музыкальный композицийым ончыктеныт. Тылеч вара Вуверкува поремын. **А.В.ОВЧИННИКОВА,** воспитатель.

Медведево, Краснооктябрьский.





Айда куржталаш!

Физкультур урокым Юрий Николаевич Романов вўда. Урокышто ме тўрлў упражненийым ыштена, куржталына, модыш дене модына. Поснак футболым йўратена. Ўдыр ден рвезе-влак, кок командылан шелалтын, чўчкыдын тагасымашым эртарена. Баскетбол дене модаш тунемына. Урок спортзалыште але школ стадионышто эрта. Мылам утларак тўнў келша: вер кумда, юж яндар – айда куржтал! Эше тазалыклан пайдале.

Марианна КУЗНЕЦОВА, Таня МАЙКОВА, 5-ше класс.
Морко, Зеленогорск.

Спорт полшен

Лицейыште 5-ше класс гыч тунемам. Ондак йўсў ыле: чылажат палыдыме. Вара тунем шуым. У йолташ-влак дене палыме лияш спорт да физкультур урок полшышт. Ме, рвезе-влак, футболым йўратена, ўстембал теннисла, волейболла модына. Костя Матвеев дене лишыл йолташ лийна. Тудо классыштына эн тале футболист.

Данил ЯКОВЛЕВ, 8-ше «Б» класс.
Морко, Коркатово.

Историй гыч

Российыште футбол нерген икымше гана 1893 ий 13 сентябрьыште «Петербургский листок» газетыште серыме.

Икымше матч Санкт-Петербургышто 1897 ий 24 октябрьыште лийын. Тунам ВОФ (футболист-влакын Василеостровский ушемышт) да

Йодыш 1928 спортым йўратыше-влакын кружокыштын «Спорт» ий 13 октябрьыште командышт вашли-

Лондонышто «Арсенал» ден «Челси» йыныт. «Спорт» 6:0 счёт дене сенал-

команде-влак модыт. Тунам футболист-командыштыже

волейболла номерым возыман ятыр англичан майкым чиен лектыныт. модын. Ты коман-

Но ик номерым кызытат де куд ий ончычак футболист-влаклан огыт чумыралтын улмаш.



Айста модына

Олмапум шындена

Воспитатель: айста пырля олмапум шындена. 1.Олмапуна могай кугу лиеш? Ончыктызаян! (Йоча-влак кидыштым нўлтен шуйнат). 2.Эн ондак мландыш нўшмым ўдена. (Икмыняр гана приседанийым ыштат). 3.Ынде таве деке вўдлан каена! (Йыр коштыт). 4.Таве гычын вўдым луктына! (Ончыч пурла, вара шола кидым пўрдыктат). 5.Олмапушко вўдым шавена! (Капышт дене ончыкыла пўгырнат). 6.Ончалза, олмапуна ончыч изи-изи ыле (лап чўчырнен шинчят), а ынде кажне кечын кугурак да кугурак лиеш. (Эркын-эркын кынелыт, кидыштым кўи нўлтен шуйнат). 7.Теве могай чапле олмапу кушкын шогалын! Ой, мардеж лекте, олмапунам лупша! (Кок велкыла лўнгалтыт). 8.Олмаже могай шуко шочын! Айста кўрлын налын кочкына! (Чылан тўрштылыт).

Н.СЕМЕНОВА ямдылен.



Одо кундем, Алнаш район, Одо школ гыч возат.

Лишыл йолташем

Мыйын йолташем – Виталик. Тудо ушан да чолга рвезе. Школышто тыршен тунемеш. Иктаж-мом огына пале гын, икте-васына деч йодына. Яра жапыште баскетболла, волейболла, футболла модына. Ме тудын дене келшен илена.

Влад СЕРГЕЕВ.

Вероника йолташ ўдырем дене Одо ялыште илена. Ик классыште тунемына, ик парт коклаште шинчена. Тудо мотор



ўдыр. Вероника физкультур урокым йўрата, баскетболла сайын модеш. Вероника дене сай йолташ улына, икте-васылан полшена, келшен илена.

Настя ТИТОВА, 6-шо класс.

Йўратыме урокем

Физкультур – йўратыме урокем. Тудым Иван Иванович Япаров туныкта. Урокышто тўрлў упражненийым ыштена, модына, ўчашена. Вий-куатем тўрлў тагасымаште тергем. Одо школна чапшым район кўкшытыштў аралем.

Ангелина АНТОНОВА, 5-ше класс.



Кызыт Никита Бауман лицей пеленысе сымыктыш школын духовой оркестрыштыже шокта, мастарлыкшым шуараш Анвар Абидович Кашаев полша. Оркестр Марий Эл Республикиште эртаралтше конкурслаште ятыр гана лауреат лийын.

шинчаончылно.
– *Йочасадыш коштмем годым почеламутым сылын лудаш марий йылмым туньктышо Валентина Николаевна Ларкина туньктен*, – оила Настя.
– *Кызыт Татьяна Николаевна Гребнева умылтара, ой-кафашым пуа. Тудат марий йылмым туньктышо. Нунылан кугу таум ойлем.*

Оласе марий йоча

Йошкар-Олаште илыше Лу ияшыже годым Пчёлкинмыт еш дене лиш-удыр музыка кырак палыме лиймеке, туня деке ли-

РОДО-ТУКЫМ ЭН ШЕРГЕ

Никита Физиж годым ачаж почеш гармоньым темдыштын, фортепьяном перкален. Парт-кокляшке шичмеке, И.С.Палантай лумеш тувыра да сымыктыш колледж пеленысе музыкальный школышто шиялтыш дене шокташ тунемын. Но рвезын чонжым виян йукан труба савырен. Сандене Бауман лицей пеленысе сымыктыш школышко куснен. Икымше туньктышыжо Владимир Викторович Петров тудлан духовой семузгар-влак коклаште трубан ойыртемалтше йукан улмыжым раш умылтарен моштен.

– *Труба дене шокташ куштылго, тушто улыжат кум ното веле манын ончыч шоненам*, – оила Никита. – *Но тыге огыл улмаш. Тиде семузгар дене шокташлан корго вий да виян шижлыш кижыт.*

Каласыман, рвезын качажат Александр Павлович Пчёлкин баян, гармонь, кларнет дене шоктен моштен. Армийште трубам кидыш налашыже логалын.

«Олмапу деч олмаже мундыркө ок камвоч» манме калык ойын чынлыкше эше ик гана пенгыдеме. Ача Сергей Александрович – уста музыкант, «Марий Эл» кугыжаныш куштышо ансамблын оркестржым вуйлата. Ава Аида Павловна – С.Чавайн лумеш Национальный библиоте-кын книга палате полкажын туньктыш библиографше. Ешыште кок икшыве кушкеш. Нуно Йошкар-Оласе 2-шо номеран школышто тунемыт: Никита 9-ше, Настя 8-ше клас-слаште.

Настя Физиж годсек почеламутым сылнын лудаш йората. Вич ияшыже годым В.Колумбын «Йуд кушто ила?» почеламутшо дене «Колумб лудмаш» оласе конкурсышто икымше гана тагасен, кумшо верым налын. Тылеч вара кажне конкурсышто мастарлыкшым терга. Тудлан Валентин Колумбын поэзийже лишыл. Молан, понеда?

– *Уста поэт – мыйын чузаем*, – умылтара Настя.
– *Кочам Павел Никифорович Декан ден Валентин Колумб изакшоляжын эргышт улыт. Чапланыше тукымем дене мый моткоч кугешнем.*

Оласе марий удыр вашлиймына годым пеш кужго портфолионым ончыктыш. Кажне сенымашыже –

шешмын. Ондак Людмила Владимирична Соловьева, вара Светлана Альбертовна Яндукова деке вокалыш коштын. Кокаже поэтессе Татьяна Ивановна Пчёлкинан лумгечыжлан полеклалтше пайрем касыште «Ах, гармонь» муру дене икымше гана сценыш лектын. Тиде кок ий ончыч лийын. Никита труба, ачаже баян дене шоктеныт, Настя мурун.

– *Кочам тыгай чапле полеклан моткоч куанен ыле*, – оила удыр.

Марий Эл радион шукерте огыл увертарыме «Эрчолпан» конкурсышко Настя лач ты муру дене ушнен.

Л.ГРИГОРЬЕВА.

Настя ден Никита Пчёлкинмыт түрлө калыкын икшывышт коклаште илат гынат, Морко мландеш вожым колтышо тукым гыч улмыштым эреак ушыштышт кучат. Коча-кова, ача-ава деч куснен толшо усталыкым умбакыже шуят.

Ныя йолан



Йолташна

Английсе почтылаште
ильше пырыс-влаклан
о ж н ы с е к



п а ш а д а р ы м
тўлат. Молаң?



Пушок ден Лайка

Мемнан Пушок пырыс да Лайка пий улыт. Пушок пеш онай, шемалге тўсан, модаш йоратыше. Мыйым школыш ужата да вашлиеш. Уремыш лекмекыже, Лайка дене модеш. Пий ок сыре, пырыс почеш коштеш. Коклан пырля малат. Изи йолташем-влакым йоратем, кочкаш пукшем.

Алёна АЛЕКСЕЕВА,
Волжский, Сотнур.

Мылам
пинегым (сним-
кыште) пөлекленйт.
Тудым чот йоратем, пук-
шем, модам. Тудо, тауштен,
мыйым нулалеш.

Настя ЯКОВЛЕВА,
Татарстан,
Менделеевск,
Элнет.



Пырыс
п ў т ы р -
налт во-
зеш гын,
й ў ш т ө
толеш.
Калык
пале.

Модышем


Пырысем колым
кочкаш йората.
Школ гыч толамат,
мый тудым ниялатем,
вара пукшем. Тудым
кугу пылышан
игыже уло. Игыж
дене эре модам.

Максим
АЛЕКСАНДРОВ,
2-шо класс.
Волжский, Сотнур.

Имне – тўн энертыш

Ожно имне кресаньыкын тўн
энертышыже лийын. Имньыдыме
марий пеш орланен. Кызыт яллаш-
те имньым ончышо шагал. А мемнан
Манька лўман имньына уло. Тудо
ачамын мутшым колыштеш, ойжым
умыла. Мыят Манькам пукшем,
йўктем. Тудо мый декамет тунем
шуын. Южгунам Изи Кулеялыш
кочам деке кудал колтем.

Маша ДМИТРИЕВА,
Морко, Коркатово.



Полина ЛАТУХИНАН
сўретше.
Советский, Ўрша.

Кудо пинеге кочкаш кая?



Эн
шуко пырысым
США-се ешлаште
ашнат.



Даша СЕМЁНОВАН
сўретше.

Евгения АНДРЕЕВА, 3-шо класс.
Волжский, Кугу Корамас.

Колызо

Мемнан Малыш
пийна уло. Тудо
машинам поктен опта.
Ме коктын модына.
Кенежым пырля ко-
лым кучаш, шыжым
понгым погаш кош-
тынна. Малыш йўш-
тылаш йората. Юж-
гунам тудым пөртыш-
кат пуртем. Писын
пукшем да мөнтеш
луктын колтем.



Изи Ленукын тетрадьше

Изи Ленук икымше классыште тунемеш. Аваже тудлан чапле сумкам, пеналым, карандашым, ручкам, тетрадьым налын пуэн. Ленук школыш куанен коштеш. Икана кийыше книга-влак коклаште вучыдымын тетрадьше йомо. Изи ўдыр сумкаштыже, ўстембалне кычале, но нигуштат ыш верешт – шортынат колтыш. Тетрадьшым шоненак малаш возо.

Йўдым Ленуклан омо кончыш: тетрадьше школ пеленысе площадкыште кия, комжо ўмбачын вўд йога, пуйто чон йўсыж дене шортеш. Ўдыр тудым кидышкыже налнеже, шыматынеже, но ок керт. Кенета помыжалт кая. Уремышке ончалмек, чонжылан эшеат чот йўсў лие –

йўр йўреш. Тудо, зонтикым да сумкам налын, школ вельш ошкыльо. Площадкым савырнен тольо, но тетрадьым ыш верешт. Вуйжым сакен, школ пўлемыш пурыш, ўстелже воктек лишеме. А тушто йомшо тетрадьше кия! Ленук тудым изи кидышкыже нале да

шыман онжо пелен ондале.
Ксения БУТЕНИНА.
 Морко, Эгерсола.



**Конкурсшы
 пурышо
 паша-влак**

Школыш

коштмо рюк-закыштыда могай тунемме ўзгар уло: ручка, карандаш, ўштыш, тетрадь да шуко молат – чылаштымат геройыш савырен, йомакым шонен возен колтыза.

Пўлек – «Югорно» эпос книга. Пашадам 19 ДЕКАБРЬ марте вучена!

Алфавит ялыште

Алфавит лўман ялыште 36 буква илен. Тыште кок урем лийын. Ик уремыштыже чўчкыдын шургымаш тарванен: буква-влак чушленыт, ызгеныт, ырленыт. Теве ик кечын **Д** ден **Т** вурсе-дылаш тўналыныт.

Д буква онжым кадыртен ойлен:

– Ончал, могай мотор улам! Тыйын гай тўжан омыл.



– Тўжем уло гын, мо вара? Мыят кўлешан улам. Шонен ончо: марий орфографий мутерыште 25 страницым айлем, а тый 5 лаштыкымат темен отыл.

Эх, моктанчык! Вес гана вует йыр шоналте, вара ойло.

Ўчашымашым ўрдыж гыч **Ъ** колышт шоген. Тудо пеш шонго, ойжым пералтенрак ойлен:

– Коктынат пеш мотор да кўлешан улыда. Ик ялыште 36 буква ик еш семын илыман, а те ала-молан эре шургеда.

Тыгай мут деч вара **Т** ден **Д** шыпланеныт, титакыштым шижыныт.

Маша МИХАЙЛОВА, 8-ше класс.
 Морко, Зеленогорск.



Кузе Книга ден Компьютер ўчашеныт

Иленыт улмаш Книга ден Компьютер. Книга йодеш:

– Компьютер йолташ, кузе шонет, мемнан кокла гыч кў айдеммылан эн кўлешан?

Компьютер вигак вашешта:

– Мый эн кўлешан улам! Мыйым айдеме чўкта да мо кўлешым тунамак муэи. Шона – вес элыш миен толеш, шона – йот йылме гыч шочмо йылмышкыже кўлеш мут-влакым кусара, шона – каваш кўзен вола, шона – сўретла, модеш, лудеш...

– Ой, ой, сита! Чарне! – манешат, Книга розетке гыч шнурым шупшылеш. – Аха! Улмашже петырныш! Теве кузе кўлеш улмаш!

Изиш лиешат, Компьютерым уэш чўкта:

– Ну, ынде кузе шонет, кў мемнан кокла гыч эн кўлешан?

А Компьютер шкенжынымак тўя:

– Манўмыс, мый!

– Тый, шижамат, нимом шыч умыло, – воштыл колта Книга. – Электротул уке гын, тыйже вет пшик, укеат улат! А мыйым айдеме кидышкыже куча, тутло чия пушемым ўпшынчеш, лаштыклен-лаштыклен лудеш, чыла вере миен толын кертеш. Адакше мый тый дечет ончыч шочынам!

Тыге Книга эн кўлешан улмышым ўшандарен сена.

Т.В.СЕМЕНОВА,
 библиотекарь.
 Волжский, Пўтъял.





18 ноябрь – Йүштө Кугызан шочмо кечыже КОНКУРС! КОНКУРС! КОНКУРС!


Марий Йүштө Кугыза (снимкыште) ден «Ямде лий» газет У ий конкурсым увертарат. Йодмаш:

- 1.Шке кид дене кеч-могай кугытан Марий Йүштө Кугыза модышым ыштыза. Пашада-влакым Марий
- 2.Тудым 2016 ий 19 декабрь марте Йүштө Кугыза ден Лумүдыржө «Ямде лий» редакцийыш колтыза. ден Лумүдыржө аклаш тўналыт.
- 3.Шкетын, еш, йол-таш але класс дене пырля ышташ клан пөлекым кучыктат.

Ковамын казаже (комикс)



Ковам Овдасолаште ила. Тудын Меня лўман казаже уло. «Ме-е» да «ме-е» манын магырымыжлан тыгай лўмым пуэн.



Икана кенежым Меням пече воктек вўраглышна. Кечывалым вўдым йўкташ шкетын ошкылым.



«Меня, Меня!» – кычкырем. Шкеже казалан парням дене тўкым ончыктем.




Тендан
д е ч а т
комиксым
вучена!

Каза шы- дешкыш ала-мо, тўкы- жым ончык шуялтен, ваштарешем тарваныш.



Мый ведрам кудалтышым, кур- жам, шўлештам – кудывечыш пурен кайышым, капкам петыры- шым. Капка рож гыч ончем – каза уке! Чыла ковамлан каласышым.



Тылеч вара ковам Меням вўташ петы- рыш. Ковам тудлан ужар шудым солен пукшыш.

Таня КУДРЯВЦЕВА,
6-шо «А» класс.
Йошкар-Ола,
1-ше номеран школ.

Индекс: Марий Элыште - 78574,
вес кундемлаште - 52713.
Тираж 1150 экз. Заказ 2829.
Формат – А-4-8.
Директор-тўн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республикы- се культур, печать да национальность паша шотышто министерстве, «Ямде лий» газет» кугыжаныш унитарный казенный предприятий.

Газетым Массовый коммуникаций сфериште да культур наследийым аралымаште законодательством шуктен шогырым эскерыше Федеральный службын Приволжский федеральный округысyo управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

0+

Печатьыш пуымо жап – 14-00,
фактически – 13-00.
Ак – кутырен келшыме почеш.

Авторын да редакцийын шоньмашыш тўрлў лийын кертыт. Серыш-влак мўнгеш огыт колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.

Конкурсш
пурышо
паша



П
У
Ш
К
Ы
Д
О

М
О
Д
Ы
Ш



Марий Турек район Арбор школышто тунемше Диана Семёнова индеш ияшыже годым. Кызыт – 11 ияш.
Л.СЕМЕНОВАН фотожо.

Эн йоратыме пушкыдо модышда дене пырля войзалтме фотографийым 19 ДЕКАБРЬ марте вучена. Эн огайлан пөлек – пушкыдо модыш!

Йошкар-Ола гыч Матвей Годунов пел ияш улмыж годым. Кызыт – ныл ияш.
*Маска-влак улыт сай йолташ,
Садлан ом тошт чодыраш колташ.
Кылмем гын, мыйым ырыктат,
Моднем – нунат пырляш ушат.*
Е.ГОДУНОВАН фотожо.

Имыш кудо паңга гыч шүртым кералме?



МЧС шижтара
Й ү ш т ө
толмо дене ер, пүя да энер-влак ий дене комыжлал-тыныт. Палыза: ий пеш вичкыж, вүд ўмбак мунчалташ ида лек! Пуренгаен кертыда!



Ачаже 37 ияш улмо годым эргыже 3 ияш лийын. А кызыт эрге ийготшо дене ачаж деч кум пачаш изи. Ача ден эрге кызыт мыняр ияш улыт?

Парня модыш

Воспитатель, почеламут корно-влаклан келшышын, парня дене ончыкта.

Пөрт

Мыйын уло чапле пөрт,
Нигöат



пурен ок керт.
Петырем тыге капкам,
Лач почам йолташ-влаклан.
Алёна ЯКОВЛЕВА.
Йошкар-Ола.

Калыкмут
Көн кидше кужу, тудын ўмыржө кїчык (шолыштшо ең нерген).

«Паренгым поген нал!»

Школыштына «Шыже пайремым» эрта-рышна. Класс вуйлатышынан полшымыж дене түрлө модыш дене модна. Иктыж дене палымым ыштем. Кўварыш икмыняр паренгым шалатен пыштыман да йоча-влакым сем почеш куштыктыман. Сем пытымек, кажныже ик паренгым налын шуктышаш. Кө руалтен ок шукто, тудо модыш гыч лектеш. Модышеш код-неже гын, шыже нерген туштым, калыкмутым, палым але туштым ойлышаш.



Алсу АРСЛАНОВА, 7-ше класс.
Морко, Унчо.

Вашпшт (3-шо лаштыкыч-се подышлар): 12 ноябрь (12-ше ноябрь) 2016